

製發順泰
Made by
Ho Shun Chi

鄒德詠雜著十二種
一至三冊

一

ORIENTALIA
CHINESE
C39.7.6
T78

題復古紀事手東附



明止見寄復古紀事數條讀之使人不
忍去手如此論學真是孔門家數竊嘗
謂一貫之旨後世都不會解孔子只云他
人分精分粗分下學分上達吾道真是
無精粗上一以貫之門人疑焉曾子決

之曰忠恕而已矣此編可謂一貫宗傳也

謬題數語字一失擲之

夫道無之而非道也夫言無之而非言道也孔子以仁為宗而魯論二十篇中未嘗語語揭仁雖未嘗語語揭仁而語語仁也

總

子問孝告之無違他日所以語武伯者

迥乎與無違之旨遠矣子游問孝告以敬養他日所以答子夏者迥乎與敬養之旨又異矣藉第令語道於今日必以為舍良知無本體舍致知無工夫夫舍良知果無本體然堯之中孔之仁子思之誠無非良知也譬如有人於此一人為名之一人為

572920
n. 9 1929

字之一人焉爾汝之其稱名不一其人一也今有人問孝而告之曰致良知此亦無不可者然執人人之手而教之曰良知良知則懿子聆焉而武伯可以退矣子游聞焉而子夏可以出矣教亦多術何必若是其局且拘乎嗟乎吾乃深嘉汝聖氏之紀

復古事矣其取事也近其命旨也遠未嘗言仁而言言仁未嘗言良知而言言良知孺子之詠南人之言帝則之謠舍哺之歌一經堯孔之耳皆作徵言其於道也深乎深乎彼區區然學一先生之說株守而模言之蓋亦細矣

萬曆甲辰歲孟春吉

友弟劉元卿書

刻復古書院紀事自敘

有問於不佞者曰子之主復古也亦有言
乎余曰何言哉曰人之瞻復古而趨者將
望其虛往實歸也而子烏得無言余曰與
使虛往實歸固不如其實往虛歸也而柰
何欲予言今天則日月星辰如斯乎其

昭明也今夫地則山河草木鳥獸如斯乎其
其變態也今夫人則日用飲食如斯乎其
順適也將藉言乎將不藉言乎夫言以言
乎其所得也其有得者耶有不得者也而
顧欲以偏知半解統一耶真不亦難乎且
夫昔之人嘗有言者矣有統體之言有偶

觸之言有根極之言有揅時之言其言者
無非是物也而後遂因之鬪戈矛而競弓
矢使夫爲忠臣者至死而不相下爲敵國
者至死而不肯休徒矜門牆無益實數則
得其言而不得其所不言者也吾觀維摩
會上衆菩薩各說不二法門而摩獨默然

文殊讚曰乃至無有言語文字是菩薩真
入不二法門豈非予欲無言一大公案乎
而奈何欲予言必固強之則有復古紀事
在

萬曆甲辰歲孟春吉

真復古事鄒汝聖父德泳著

門人李長春

康元穗 錄

金川鄧登龍

建城郭萬里等校

受業弟德崇

男 戴明

憲明同校

鄒德泳雜著總目

復古紀事一卷

復古振翫錄一卷

正草一卷

獨耐軒雜筆二卷

三讀易一卷

范玉坡公祖往回論學志一卷

陳雲怡公祖往回論學志一卷

平旦錄一卷

鄒司寇先生泮宮講義一卷

聖門律令一卷

拜恩錄一卷

雙瞻廬刻一卷

目錄終

復古紀事目

日記

羊疏

聞鷄

識不真

道不遠

貴自求

坐移

本無事

八偏

松栢

說去根法

鬼神

觀稼

觀葛

復古紀事目錄